



010000, Астана қ., Бейбітшілік к-сі, 11 үй
тел.: /7172/ 55-66-31, факс: 55-72-94

010000, г. Астана, ул. Бейбитшилик, 11
тел.: /7172/ 55-66-31, факс: 55-72-94

№ _____
04.09.2024 № 4 _____ ге

**Тұрақты комиссияның
2024 жылғы 04
қыркүйектегі қаулысы**

**Елорданың №№ 1,2 Индустриялық
парктерінің инженерлік
инфрақұрылымын жүргізуге
бағытталған ақша қаражатын
жұмсаудың тиімділігі туралы**

Бланк сериялық номерсіз жарамсыз
Бланк без серийного номера не действителен

Астана қаласы мәслихатының бюджет, экономика, өнеркәсіп және кәсіпкерлік мәселелері жөніндегі тұрақты комиссиясы (бұдан әрі – Тұрақты комиссия) Елорданың №№ 1,2 индустриялық парктерінің инженерлік инфрақұрылымын жүргізуге бағытталған ақша қаражатын жұмсаудың тиімділігіне қатысты ақпаратты тыңдап, талқылай отырып, мынаны атап өтеді.

«Астана қаласының отын – энергетика кешені және коммуналдық шаруашылық басқармасы» ММ құқықтық мұрагері және арнайы экономикалық аймақтардың (бұдан әрі – АЭА), индустриялық аймақтар мен индустриялық парктердің инфрақұрылымын дамыту жөніндегі бюджеттік бағдарламаның әкімшісі болып табылатын «Астана қаласының энергетика басқармасы» ММ (бұдан әрі – Энергетика басқармасы) 2006-2021 жылдар аралығындағы кезеңде № 1 индустриялық паркінің құрылысына арналған республикалық бюджеттен, Қазақстан Республикасының Ұлттық қорынан және жергілікті бюджеттен нысаналы трансферттен ақшалай қаражат бөлінді.

«Астана қаласының қаржы басқармасы» ММ ақпаратына сәйкес, 2021 жылы энергетика басқармасы жоғарыда аталған бағдарлама бойынша 22 738,2 мың теңге сомасында ақшалай қаражатты игермеген және олар жергілікті бюджетке қайтаруға жататын.

2023 жылы «Астана қаласында № 2 индустриялық парк салу» инвестициялық жобасының техникалық-экономикалық негіздемесін түзетуге жергілікті бюджет қаражатынан «Астана қаласының Инвестициялар және кәсіпкерлікті дамыту жөніндегі Басқарма» ММ ақшалай қаражаты бөлінді. Осы жобаны аяқтауға жергілікті бюджеттен 2024 жылға арналған ақшалай қаражат қарастырылған.

Бүгінгі күні коммуналдық инженерлік желілердің аяқталуы 87%-ы құрайды, оның ішінде № 1 Индустриялық парктің аумағы 82%-ға нөсер кәрізімен, 80% - ға шаруашылық-тұрмыстық кәрізбен, қуаты 56,7 МВт «Шығыс пром-ауданы» қосалқы станциясымен және 7 тарату қосалқы станциясымен 100% - ға электрмен жабдықтаудың инженерлік желілерімен қамтамасыз етілген.

2023 жылы Астана қаласы бойынша тексеру комиссиясы құрамына № 1, 2 индустриялық парктер кіретін арнайы экономикалық аймақтардың басқарушы компаниялары болып табылатын «Astana Invest» инвестицияларды дамыту қалалық орталығы» ЖШС активтерін басқару тиімділігіне мемлекеттік аудит жүргізді. Аудит нәтижелері бойынша, № 1 Индустриялық парктің инженерлік инфрақұрылымын салуды аяқтау аяқталмаған жобалар орын алған 3 жекелеген кезекті іске асыруды көздейтіні жөн:

1 кезек бойынша (жоба 2006 жылдан бастап іске асырылуда) ұзындығы 1,5 км желілері бар жолдың және жарықтандыру мен тазарту құрылысына арналған 7-ші трансформаторлық қосалқы станцияның құрылысы аяқталған жоқ;

2 кезек бойынша (жоба 2008 жылдан бастап іске асырылуда) Ақбұлақ өзенінің арнасы арқылы су өткізу құрылыстары бар жолдың құрылысы аяқталған жоқ;

3 кезек бойынша (жоба 2016 жылдан бастап іске асырылуда) 6 іске қосу кешенінен 4-і жүзеге асырылды (жылу, техникалық су), қалған 2 іске қосу кешені (5 және 6) 5 бақылау-өткізу пункттерінің құрылысын және желілері бар жолды көздейді.

Энергетика басқармасының мәліметінше, аяқталмаған жобалардың бір бөлігі іске асырылды, алайда толық орындалуы 2025 жыл ішінде жоспарланғанын айта кету керек.

«Астана қаласы әкімінің аппараты» ММ ұсынған материалдарға, оның ішінде Астана қаласы әкімінің және оның орынбасарларының қатысуымен өткен Кеңестердің хаттамаларына сәйкес жергілікті атқарушы орган № 1, 2 индустриялық парктердің проблемалық мәселелерін шешу бойынша жұмыс жүргізуде.

Сонымен қатар, Тұрақты комиссия тиісті атқарушы органдардың № 1 Индустриялық парктің инженерлік инфрақұрылымын салуды аяқтау, сондай-ақ АЭА парктерін дамыту және олардың аумағында тиімді жобаларды іске асыру жөніндегі жұмысты күшейту қажеттігін атап өтті.

Бұдан басқа, Қарағанды облысының Саран қаласында автобустар мен тұрмыстық техника өндірісі жолға қойылған индустриялық аймақты құру бойынша шет мемлекеттер мен ТМД елдерінің, сондай-ақ отандық, оның ішінде Қарағанды облысының Саран қаласының тәжірибесін назарға алу қажеттілігі бар.

Қалалық мәслихат депутаттары атап өткендей, АЭА учаскесі инфрақұрылымының аяқталмауының салдары жобалардың тоқтап қалуы және әлеуетті инвесторлар үшін тартымдылықтың болмауы болып табылады.

Депутаттар № 2 индустриялық паркті дамыту барысында кемшіліктерді болдырмау мақсатында Астана қаласында инвестицияларды дамыту стратегиясын әзірледі, АЭА аумағында инфрақұрылымды дамыту бойынша

жүргізілген жұмыстарға талдау жүргізуді және жіберілген кемшіліктерді есепке алуды қайта ұсынды.

Сонымен қатар, депутаттар № 2 Индустриялық парк аумағында инженерлік инфрақұрылымды салу жөніндегі жұмыстарды бірінші кезектегі тәртіппен аяқтау қажеттігіне қатысты және осыдан кейін ғана кәсіпорындарды іске қосуға көшу керек екенін атап өтіп ұсыныс енгізді.

Депутаттар атап өткендей, проблемалық мәселелердің бірі инженерлік желілерді коммуналдық кәсіпорындардың теңгеріміне берудің сапасыз процесі болып табылады. Мәселен, бірқатар ұйымдардың, соның ішінде Астана қаласы әкімдігінің «Астана Су арнасы» ШЖҚ МКК-нің балансына жұмыс істемейтін немесе апатты жағдайда инженерлік желілер берілді.

Жоғарыда айтылғандардың негізінде «Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасы Заңының нормаларына сәйкес Астана қаласы мәслихатының бюджет, экономика, өнеркәсіп және кәсіпкерлік мәселелері жөніндегі тұрақты комиссиясы **ҚАУЛЫ ЕТТІ:**

1. «Елорданың №№ 1,2 индустриялық парктерінің инженерлік инфрақұрылымын жүргізуге бағытталған ақша қаражатын жұмсаудың тиімділігі» тақырыбындағы ақпарат назарға алынсын.

2. «Астана қаласының энергетика басқармасы» ММ, «Астана қаласының активтер және Мемлекеттік сатып алу басқармасы» ММ, «Астана қаласының Инвестициялар және кәсіпкерлікті дамыту басқармасы» ММ:

№ 1 Индустриялық парк аумағында инженерлік инфрақұрылымды аяқтау жөніндегі жұмысты күшейту;

инженерлік желілерді коммуналдық кәсіпорындардың теңгеріміне жарамды, ақаусыз, оның ішінде жабық кәріз люктерін (халықтың қауіпсіздігін қамтамасыз ету мақсатында) беруді қамтамасыз ету;

кәсіпорындар іске қосылғанға дейін № 2 Индустриялық парк аумағында инженерлік инфрақұрылым салу жөніндегі жұмыстардың аяқталуын қамтамасыз ету жөнінде шаралар қабылдау;

№ 2 Индустриялық паркті салу кезінде олардың алдын алу мақсатында № 1 Индустриялық паркті салу кезінде жіберілген қателіктерге талдау жүргізу және оларды есепке алу;

мәслихат депутаттарын АЭА аумағындағы №№ 1, 2 индустриялық парктерді және МЖӨ-нің өзге де жобаларын газбен қамтамасыз ету мәселелері жөніндегі комиссияның және жұмыс топтарының құрамына енгізу;

№№ 1, 2 индустриялық парктердің аумақтарында инженерлік инфрақұрылым салуға және ақша қаражатын уақтылы игеруге жұмсалатын ақша қаражатын жұмсаудың тиімділігін қамтамасыз ету ұсынылсын.

3. «Астана қаласының Инвестициялар және кәсіпкерлікті дамыту басқармасы» ММ, «AstanaInvest» қалалық инвестицияларды дамыту орталығы» ЖШС:

Астана қаласында, оның ішінде шетелден сарапшыларды тарта отырып, инвестицияларды дамыту стратегиясын қысқа мерзімде әзірлеу;

№№ 1 және 2 индустриялық парктер аумақтарында кәсіпкерлік ортаны дамыту және жаңа жұмыс орындарын құру жөніндегі жұмысты күшейту;

шет мемлекеттердің, оның ішінде ТМД елдерінің, отандық индустриялық аймақтардың өндірістік қуаттарды салу, серпінді және «зәкірлік» жобалар өндірісін жолға қою бөлігіндегі тәжірибесін қарастыру.

4. Осы қаулының орындалуы бойынша ақпарат қалалық мәслихатқа бір ай мерзімде берілсін.

5. Осы қаулының орындалуын бақылау Астана қаласы мәслихатының бюджет, экономика, өнеркәсіп және кәсіпкерлік мәселелері жөніндегі тұрақты комиссиясына жүктелсін.

**Астана қаласы мәслихатының
бюджет, экономика, өнеркәсіп
және кәсіпкерлік мәселелері
жөніндегі тұрақты комиссиясының
төрағасы**

К. Адамбек